سمير سعدي

الارتيالة بكا



اللوحة للفنان إبراهيم الدسوقي

شعر



ترتيلة بكا..

شعر

سيبرسجب



رئیس مجسس الإدارة عملی أب و شسادی

أمين عام النشر

الإشراف الفنى د، محمود عبد العاطي

الهيئة العامة لقصور الثقافة العامة العدد : ٣

إبداعات / (أسبوعية) / العدد : ١٠٣ ترتيلة بكا / شعر / سمير سعدى الطبعة الأولى / يناير ٢٠٠٠ رقم الإيداع /٢٩٨٩ / ٢٠٠٠

المراسلات: باسم رئيس التحرير على العنوان التالى ١٦ أش أمين سامى - القصر العينى رقم بريدى: ١١٥٦١

الاهسداء

إلى أحمد، محمد، محمود

أولاد أختى..

بشوف فيكم طفولتى اللي ما عشبتهاش..

من قبل ومن بعد .

إلى روح أمى وأبى

«عناقید عنب طابت»

وإلى أصحابي والشعر وطن .

ترتيلةبكا

صوتك - ضمير - عصافير تزقزق ف الصباح الكون كائن لمفتتح الحقيقة - بيرش ف عنيا الندى والفجر .. تبدأ السما يومها الجديد .. بحاجات أكيد مالهاش مثيل .. حاجات بطعم المستحيل حاجات بطعم المستحيل ومغامرة الأمل البرئ جواه .. صوتك بحر بيعانق فضاه .. ويبوس شواطئ لسه ما عرفهاش بشر .. مطر يروى جسد/ كامن مداه .. - الخوف مواسم للجفاف - الخوف مواسم للجفاف -

والشفاوة خرافة الأساطير..

هدير وملح ونهر خمر

أيقونه ف العين الحوريس

يتخلق الكون البديل

هديل حمام/ صوتك

فوق جدار الذاكرة البدايات

جامح ف وريد القلب نيل

وانا ف اندهاش الروح.. لما بتسكن معبد الترتيل

نغمك أصيل ..

لما انفرط عناقيد غنا ..

طاطيت ألمه. انتنى عودي النحيل

فرقصت كالطير الدبيح

وعزفت آخر وتر مشدود وبكيت

اتبرعمت كل الدموع قناديل ضيا ..

لميت أحزاني داخل شهقتين ..

"كان الرحيل"

وبعيد .

في صوت البحر كانت مركبة ..

وفنار بيغرق ف السكون ..

وانا.. انا ف اندهاش الروح لما بتسكن

لحن معزوف السنين. نغمك حنين.

أرق.. حبلان كلام سطور من الإرهاق تنزف ألم .. من غير قلم .. شوفتك طراطيف الكفوف ترسم رتوش حالة توتر زمن البراءة نتكسف يحمر جلد الوش لما ضحكتك تقابلها عيني

فى عينيكى بثدامم نكهتين

واحدة

لشوق مدقوق على حدود المسافة الاغتراب وحد كونك

أرفض أخونك

الاقتحام سكك المواجهة الالتحام خط التواصل بيني وبين طرف المعادلة

والتانية

ترسم خرايط حلمك اللساه بيكبر ما اتفطم لبن التأمل صوت الخريف يابس ف لونك لم بشوفك افتكر توب الربيع المنهجة ف عنيكي تشكيل الدواير

كفك جدار نقش القدر. العمر مشوار والطريق أسفلت المشاكل

المفردات ف الموت تقابل

جواكى يصرخ لا تغيب

شمس المغيب راخية الضفاير

ناحية يكون الانهزام

جوه الزحام صبحت عنينا دبلانين

متكحلين بشوق راسم خطوهم

لما السكك تصبح مناهه

الحزن عاهة ف البدن

لو تعرفي معنى الوطن ؟!

- يا كائنة يا كامنة داخل حدود صمتى وتوبك

الانتظار إرهاق.. يفتل حبال صبرى

الارتعاش نشوة حضورك

العطش يرسم سكوني

نقط التوازى بيرسموا شبه العلاقة

طيفك وضلى ..

الاندماج فض البكارة يا منتهايا الحلم فين ؟! الشرنقة صبحت خيوط العنكبوت الحنوف تابوت.. يلملم الأشياء يبعتر ذكرياتي ف العيون زمن التمرد باعشقك يستنشقك نبض التعري وتدخلي هامش طقوسي تسألي معنى التحقق بالاختصار بدء التكون بتوتري ..

نفرش مناخ توب المراودة يحتوينا شهوتك ترسم خضوعك . الاغتراب بينا مساحة من الحذر فكى الطلاسم وادخلى .. طقسى مراحل إقرى كتابى ولخصى عمر القدر تلقى الهوية ف الوريد

دمى مناورات الخطر

ودخلتی بین أربع جدار بدنی هتکتی ف بکارة سکونی أنا کنت راصد اغتیال صمتی وکنت رافض أفتح محیط قلبی اللی موجه خرب الاستنزاف لما نخاف همس التدنی وسألتی لیه تفضل الجذر

التناقض

ناحية القمر اللي هارب جوه مركبة التمنى .

سيفهم خشب خطى العتب ما تخافشى من وشوش ما تخافشى من وشوش مرسوم عليها نوم كداب دايره من الفراغ راسمه حدود حلمك "خارج" متمسمرين جوّه الجيوب/ كفين من الإرهاق فوق الطريق كان اللقا شارة مرور صفرا جمرة فراق بتخط مسودة رحيل – داخل مجال التجرية مطروح حزنك الساكن من جهه ضلوع التعريج مطروح حزنك الساكن

مرشوش على أرضك

واقع

حلم

حصير هتلمك كل عشية

عفشه وعضم

كبريت فتيل التردد موشوم على يدك

عيار صمتك مطلوق داخل خريطة بدنك المنهوك

"السموم بالرعشه صوتك

الإرتباك جواك

إياك "تفنس" من طاقة حلمك بالليل

مش متشوف غير الخوف

خوفك/ خجلك هوه اللي مسويك

بالنفس النارفي التلج يبقى رماد ..

سيفهم خشب

خطى العتب

ما تخافشي من وشوش

مرسوم عليها نوم كداب

جسدك خصب

مسقى العرق الصبر النازف من جواك

أقطف زرعة عمرك بدرى انزل بيها خميس السوق

شد شراع مركبتك فوق -

للبلح "النارخ" في سباطه

- زمنك حان

عمر ما كان "الفلق" العرش ف سطح الدار حدّك ولا كانت يدك "ف ماجور الميه البارده عجين"

فك رباط رجليك وارمح

إوعى خس حدودك هيه حدود الوطن المتبعثره شرقه وغربه

الدم الراقد جوه عروقك دم مواجهه ما تصدقش الحد الفاصل بينا وبين الأرض القياله مدارس

الفاس المكسور ما يسويش درباس إغسل همك بالكوز المليان بالضحك الصافى والحر الراسم على جسمك كل خرايط ملح الكون بين حد البحر وبين شمس غروب شمس غروب على .

العمرتعويذه

والقلب زى موجة بحر.. بترجّف ف الشتا العاصف، والساحه اللي بين أملك ف بكره

وانكسارك

منجني

تدخلنی ترانیم اندهاش

فابدأ مناورات الحصار

"اللي جاري.. عكس اللي رايح"

طرح

واللحظة اللي بين حضورك والغياب.

تأمل

ف العلاقة اللي بينك وبينك

فكرت فيا كتير... فكرت فيك أكتر

لقيتنى محاصر - رغم الإجابة - بالسؤال ؟؟؟..

ليه: ١١ بحس الموت هناك

أبكى هنا

ليه: لما بحس الاغتراب

اشتاق هناك

حاجه څير

ساعة تشوفك بين تعرى

وبين محاوله للدخول وجه الحجاب

تلقاك مباغت بالخروج

الوقت عقرب ثواني ف الزحام الني

تلدغ الخلم اللي بين فكره

واتوبيس

معدى فوق الخطات الوجع

العتمه غول بيزحف ع المدينة

نفتكر حواديت سمعناها ..

واحنا في طور التكون ..

والعمر زي الغول.. لا.. زي الليل

بجتاح حدود بدنى النحيل، والكار... على مشهد ف الذاكره ثابت الغول بيفزع من النار التمرد جوه انثى فهمت الشوكه انكساره

لامفر

الانتصار ليها اختياره والعمر زي العتمه. لأ العمر تعويذه

والكادر ثابت

على مشهد أخير في الذاكره

وبفك؛ تكتيفة صوابعي العشره من بين الضلوع

بفرد ما بين سدرى وآخر الميدان

شبوره من وهم الحريق،

أشم ريحه م الغبار الصهد

وابدأ مواويل الوطن،

وترسم القدمين خرايط ..

ناحية النيل اللي حاسه في الوريد ..

واسرق البصه الأخيره ع الزحام والوقت دقة ثوانى تلدغ الحلم اللى انخدع .. "فكرة" فكرة" أتوبيس معدى فوق محطات الوجع واشوفنى بره القوس ف آخر الميدان .

قسمت الموت على كفى وكتبت للوطن المشاكس مرثيه لون دمى باعلن فى انتفاضى وحروفى ، رصاصات التمرد .

منقوشه في الدم القصيده،

والوشم ظاهر فوق لحم البدن ..

تبدأنى توتر. اتهيأ ، فارتجل وجعى مراحل، وادخل ف حالة مواجهة

> الميدان هوه الوطن والوطن أكبر ميدان

غرسوا ف تقاطعه الفزع

الخوف بيكمش حت جلد الانهزام

الشتا برد الزمان،

صورة الغريه الحذر

فجر انتظار لسه ما خطاش العتب

والعتب هوه الجدار، ِ

, والخيار الصعب ف مساحة قرار ..

- بلدى نزيف من دم أزرق ف لون البحر والبحر ف حدودنا الشمال والشرق وتتوه فى ملامحنا الخرايط
ما بين جزره وبين المد
لا حد فارد قلع مركب للشروق
ولا حد طارح شبك يطلع يفجر

"بلدى نزيف من دم" الانفجار أوشك.

باكتب محاولة خروج وانزع فتيل التردد، اعيش رصيف التشرد،

> وأبقى الزمن نقطه أبقى الزمن ثابت

واشوفنى خارج منحنى القوس اللي راسم دايره في وسط الميدان ،

وتبان عيون الناس في شباك السفر، أحس إنى متهم داخل خيوط التجربه مقرى ف سجون غموض الفكره والتركيبات وابات حزين ..

علشان عيون الناس- لسه واقفة تنتظر- فوق الرصيف

رغم إن القطر عدى من سنين ،

وتبان عيون الناس في شباك السفر

تعرف بإن المسأله

داخل صناديق الجسد منهج خطر ..

وكتبت ف الزمن المعادله

مش مجادله

المساحة اللي بينك وبين وطنك

هيه السافه اللي بين قدمك والتراب

الوطن لون الطفوله

الوطن صهد النفس

الوطن طعم العرق

الوطن مضمون وشكل

الوطن صوت المطر فوق القزاز

الوطن هوه الحقيقه

الوطن هوه الجاز..

يعنى بالعامية :

إمتلك احساس بيه

الوطن شبيه لون الطفوله لون الطفوله صهد النفس طعم العرق طعم العرق مضمون وشكل مضمون وشكل صوت المطر فوق القزاز الحقيقة والجاز

ف عنيكي ليه الانتظار دهشه ؟؟ ف عنيكي ليه النهار حواديت ؟؟ "الانكسار يعنى انتحار الحلم" مين فينا هـ يشد الستاره .. تنفتح على قلب مسرحة الحكاية يطرحنا بحر التجربة.. داخل مدار الاحتوا فنبتدى بوجعنا ولا ... نبتدى نبكى علينا .. الضوء خفيف نازل على نقطه ف شمال البدن الصوت/ طبيعه، وابتداء الخلق ف سكة تكون أنا جوه منى كون كبير شايل ملامح كل الحواديت القديمه مترتبه على أرفف ف الذاكره ما فیش مبرر أسئله .. ليه الشتا واقف ما بينا.. رغم ان الوقت صيف .. انا جوه منى كون كبير

ليه ابقى مخنوق جوه دايره. قطرها عقلة صباع..

سناره. النظره مرميه. جوه بحر من الفضا ..

تشبك ف طرف قلب عنيد

راقد ما بين ضلع الحقيقه.. والغريب ف الاسئله

ليه الشتا واقف... ما بين فصلين ...

من الموت... والليلاد !!!..

يا زهره في الصحرا الحياه
يا نن عين الوليد لحظة ما يجي في الجّاه الشمس
يا ضل/ حدوته مسالمه في الشتا
حكى الدفا بالهمس
يا دمعة ساكنه ف قلب أبيض من حليب الصبح
يا وردة مهرة في الندى البكرى
ما انتيش غريبه
عن مفارق اتبنت فوق الحقايق ،
أو مفارق لونت شكل اغترابي ،
لحظه السفر المفاجئ ..

ما انتيش غريبه عن دقايق تفصل النبض الموحد،

داخل القلب الحكايه

ما انتيش غريبه
عن حصائى اللى اتسرق
ف زحمة السكه الضباب
يا طعم غاب.. نايى الحزين
ما انتيش غريبه ع السنين
يا إيم.. ف عيونى ارتباك
ما تخلنيش اندم على اليوم اللى جاى
والحلم شايفه بينسحب من ضى شمعه فى الغروب
فيتوه حصان عاشق مواويل الدروب

ما انتيش غريبه يا حبيبه عن سراب الأجوبه داخل وريد الأسئله لما بتهزمنا المتاهه

وتغيب سكك كنا رسمناها بحضور احبم

داخل تكوينات دمى البرئ العيون يا بحر طافى فى العيون يا دهشة الطعم السكات ما انتيش غريبه على اللى فات من عمرنا يا إمى رديلى السؤال .. على أى شه على ألا الحال

يا إيى عايزك تعرفى: مهما ببيعدنا الزمن ومهما نرحل فى السفر ما اعرفش غير عينك سكن ما اعرفش غير قلبك وطن.

بحر..حرب.

كان لابد من الكتابة لإيقاف هذا النزيف

«وافي نصر»

كرسى خشب ..

قصادى كان بنت وولد

خت شمسيه قماش

البحر/ وش السما... موجه ما هوش غضبان

سن القلم بالحبرأحمر جاف

دفتر ورق لون الغياب

جوايا بحر المشاعر

والعشق باب مفتوح

على قلب مسكون بالحنين

ضل السحاب/ الطقس

كان لحظة.. حياد ...

الريح شباك مقفول على بحر مليان بالغموض

ما بين نزيفك وبين

ترصد عينيك؛ رغبة البحر المشاكس في الولد

تنزف كمان ..

يكتمل مقطع الحرب الاخير في الخليج

فجأه... الحياد مقلوب فى البحر والريح، والفراغ يطير نص الورق... قصدى النزيف أنا قمت ألم حروف كلام اتبعترت

كانت معادل للوجود الموجود البحر هاج بلع الكلام البحر هاج بلع الكلام وشبشب الصيف القماش رجعت - حافى - ألم باقى الانهزام كان المناخ اعلن هجومه واستباح دمى اختطاف بصيت ورايا: البحر كان ثورة غضب سوده الرايات مرفوعه على سارى البلاد ليت مشاعرى جوه منى .. وضهرى للبحر اجّاه وضهرى للبحر اجّاه فك افتراس.. كانت الرغبة

هناك !

ساحل، وشمس، وناس ..

السمك استوعب الورق اللي طار ..

اخذ القرار

الحبر أحمر جاف

البحر طارح جثته

الصيادين كانت حزينه

الحلم ف شباكهم سراب

ف اللقطه دى:

طفل كان فرحان بيلعب.

جنب بیت من رمل أسمر لسه بیکمل بناه

ف اللقطة دي :

طفل كان حزنه في حزن الصيادين .

على بيت بناه فوق الورق

مسكون بجرحه، كل جرح اخضر

بيئزف بين ضلوع جسم الوطن

الدم أحمر جاف

الحبر ازرق باهت بلون الموت ف بحر البحر زى سمك لا البحر زى الصيادين زى الشبك البحر ظارح جثته بالملح والملح حزن ف جرح.

اغتراب.

هل أن للجنوبي ..

أن يستريح ،،

هل آن ؟!،،

الدموع / صفين عساكر بيلعبوا دورهم بإتقان المثل جوه حدوته خرافه ،

مش مباغته الدهشة واللون انهزامك إنحسارك حلم داخل أنسجة دم الوريد

آه.... یا زمان مطارید

بيشكلوا فعل اغترابي

بابى كتاب مفتوح

على صفحه واضحه ف كل شيء. قبل الغياب لو تقرى حرفين البداية. منطلق التفكير في كاف أو تقرى سطرين النهايه

بنهج القدر اللي ساكن دهشه ف عيون الوليد إرمى سرحكايتي داخل

جب مليان بالخرافه

واقطعی کل المسافیه اللی میا بین میوروث وبین زمنی العاصر

وارمى دلوك جوه بير المعرفه ..

وانزعى الخوف اللى راكد عمق جويف الضمير تلقينى ف الألف البدايه الاحتمال فكره من الظرف الزمان .. أو نون مكان .. لانتظار الحرف ف الكلمة الأمان

حدوته يعرفها اللى كان ساكن دروب الشمس والليل والسكون إزاى يكون خجلى اللى ناقش ملمحى مشهد خرافي للجنون

يا موج حنون يبغربل الرمل الظنون، كون كف غيمه، وضل خيمه قتوى قلبى اللى عاشق فوضى تشكيل الطبيعه وسر لون شكل المسا، أو سر بدء اليوم فى لون يمكن ما بين لأسود ولأبيض تتشكل العصافير رحيل يبدأ الموج مع الشط المهادنه

والسما خيمه بتغطى البلاد بالغيم إقفلي باب دهشتك واسحبى جفونك غطا وارحلي هناك.. ف البعيد وانعسى يمكن تقومي لما ف الزمن اللي بين لأسود ولأبيض تتشكل العصافير حضور ليه تلقى موج الشط راسم ع الملامح للبدن عاشق سكون البحر والليل والنجوم قاطع مسافات الرحيل وقت الغروب لحظة غيابك ف السما

عصافير

لحظة رجوع المراكب ...

من رحلة الصيد الأخيره ف الجنوب

لحظه البحر المباغت

كشر الأنياب على ضلع مركبتي الفقيره

اللي ما تعرف يعني أيه معني

المناوره/ والمؤامره/ والحصار ...

اسحبى جفونك غطا وارحلى هناك. في البعيد

يكن يكون اللي مابينا انتهى -

لما انتهى عندي النهار!..

فهل أن للجنوبي أن يستريح ؟!..

هل آن اااا....

التجريه ..

إلى شعراء جيلى «من كان منكم بلا خطيئة ليرجمها بحجر..»

معرفش ليه ؟.

كل ما ابدء في الدخول ..

بيهزني صوت المسيح ..

معرفش ليه ؟.

الربح معاند.. رغم إنى في الجاه الصح

البكا - مرغوب.. يخفف طعم لون الحزن

آخر متاريسك ورق

شهادة مكتوبه بدمك

الحيطان مكسوفه

ما عادت بتسترحد

الحيطان مكسوفه ..

ما عادت بترمى الضل ..

الحل كامن في السما.. تفرض خيوط من شمسها يمكن تشغل في الفراغ شيء من الحضور

ما عادش ليك اختيار ..!!

الانسحاب.. ب ش و ي ش ..

من غير ما خقق خساره

انت اللي فكيت الحصار ..'

ولا العيار شفرة في دمك ..

فاستقبلك موتك، بطل راجع من الجبهه انتصار!! انت اللي حددت الميعاد ..

ولا الميعاد جالك في مظروف البريد ..

بيعرفك إن الوطن:

واصل ما بين صمتك وطلقة بندقيه ..

- مرة الحقيقه. لكن طعمها يصبح أمر!!

لما باشوفك منتظر شكل الخلاص ..

- عينك ضرفتين شباك ..

والقلب حدوته ..

زمنك ملوش وشين ..

زمنك ضمير جواك ..

"ما نتاش برواز معلق في الفراغ الهش..

ولا كنت يوم صندوق خشب فاضى ..

قاضى وفي إيدك القرارا معنى ..

كون الضميز الصوت

تكشف سكوت الموت

وتهز صمت البيوت

ده الزمن عمرك في لحظه

قارب. يوصل ما بين شطين ..

شبط الحياة.... شبط الغرق ..

شطين ورق ،

هما اللي عايمين على وش الكتاب ..

دوامه موج الحياة

والريح يوارب. مجداف ف قارب نحو المغارب. والدم هارب لغارب لقلب شارب من بزأمه معنى النجاة

يا... مستحيل ...

افرد جناح حلمك علينا وضمنا ..

الهم أصبح شيء كبير

عایش فی تکوین دمنا ..

معرفش ليه !.

لما بحاول في الدخول ..

بيهزني صوت المسيح ..

رغم عارف انه سما

انا كنت يوم.. جربت مره أكون نبي

فعرفت إن الأنبيا صفحه ف كتاب ربنا

وعرفت إن زمنا ده مفهوش نبی

إلا ضمير شاعر ...

بيكتب سطرفي المعنى الوطن!!..

هاجس جدل.

"تلك المدينة تباغتنى دوما بالفزع" الفاهرة... القاهرة

لل. ابتديت ارفع التكليف.. ما بينا اتبنا.. حاجيز دخان .. رغم إنك. مش بداية غيمه هـ تمطر إجابة أو نهاية حلم.. متعلق .. ما بين نجمه وعيني .. إلا إنك كنتي في اللحظة للناسبة .. اليزر.. بيبتدى فعل الجراحه .. بتعلميني الشوق هنا .. فتعرفيني الموت هناك .. وبتزرعي فيا.. ارتباك .. وبتطفى في عيوني النهار .. بتحفري قلبك مغاره .. تلم أشلاء الحصار ..

الحكاية "نقش تفسير العلاقة" هل توافقى؟!.. نبتدى بالمستحيل .. لو توافقى المستحيل. صحرا بترسم للعطش ميه.. وشراع مركب ،

وبيت مبنى على حدود السما في هلال ..

- ظهرت علامات الجدل

إذن.. نبتدى عكس اللي فات ..

مكن. مكان المستحيل ..

يكن يوفق ما بين حلم في سراب

علم في تراب ..

بيجسد البدء الخرافي في شكل طير..

- خير الشكل. والمضمون علاقة

اللباقة.. فيه كلام لابد منه

هــاتنفسك ..

واملائى بيكس. اتنفسك ..

يا بحر في الموج الدموع ..

وفنار حقيقة يشدني ..

لحظة أحسك تملى جوفى بالشروق ..

هـ اتنفسك ..

رغم المصاعب والبلاد

اللي ما تعرف غير. مواعيد السفر ..

والاندهاش المر

والمطر المعاند للسما

هـ اتنفسك رغم الخطر !!..

ولما القطركان ماشى ع السكة الحديد ..

كانت بيوت الناس بترمح زى خيل داخل سبق ..

فتشت في دماغي عن شيء أمارس بيه حال السفر ..

لقتنى مفروش ع الورق.. زى فدادين من قصب ..

داخله الحكومه.. تطادر المطاريد من الرسم الوطن ..

- الصوت.. حسطورك.. "والحسطور يعسنى غسيابك فى «الحطبور الحطبور الحليم الحطبور الحطبور الحليم الحلي

مكتوب على أول سطورك ..

- حلمك ما هوش. شجر طارح ف أرض الغير..

حلمك بسيط خالص ..

أرضك. شجر ضله احزن الغير

- دمك مغامر. ودنيتك

لحظة ميلاد القصيدة أحسن من الآخر.. كتير تراهني على موتك .. تكسب رهاني تخسب أكيد نفسك ..

بحرك غريق ومفيش غريق ينجى بحرك غريق ومفيش أمان ف العوم بحرك غريق وسراب يا ضو الفنار

قالوا البلاد: رسم الخرايط والحدود

قلت الحدود؛ سلك شايك يفصل ما بين الجسد والروح..

قلبى سكن، لكن ما هوش مفروش ..

اسكتى فى دمى وطن. دمى ما هوش مغشوش ..

أخر محطات الوجع ..

قطعت تذكرة الرجوع.. وبكيت بصدق ..

القطرما شي في الجاه ..

ورصيف بيمشي في الجاه

حسیت کأنی مش أنا

كملت آخر سطرفي كتاب الوجع

ومشيت .

بكتبك.. شجرطارح

وارسمني عصفور ..

بحلق في الفضاء/ ودك

انتى ابتدائي وانتهاء سكة الإحباط ..

عشقت في الليل قمر.، وخوفت كتيريغيب

يسرقنى جذر البحر. ناحية لا تكون للاسئله أية اجابه.

علمتى ليه القلب يعشق كل شيء حتى الزحام ؟؟!..

ليه بدأتيني بغمام في اللحظه دي ؟؟..

- فشل التجارب هو مشروع الجنون

والحارب عمره ما اختار الهرب ملجاً نجاة

كاميرا بترصد كل شنىء.. تفاصيل

لا دور حقيقي بنلعبه

ولا دور نشوفه نحس بیه

قرب الحقيقة

"دبلير" حواديت البشر

البداية. العقدة. والحل الخيال.

شجرةالتوتالقديهة

كانت الحد اللي فاصل .. بنا وبين عمر الزمن كانت تواريخ البطولة كانت حدود جسر المدينة الكسوف والهمس خيط مغزول دفا من ضلها عمرها بيزيد كتيرعن عمرنا كانت شروق الشوس، كانت في المغيب بوابة يدخلها غريب قاصد ضيافة.. دربنا كنا بنفرش أرضها/ ساعات كتير نستني

ترمى طرحها فى حجر البنات البكر توته يدوق الشهد طعم الشفتين

كنا بنلعب ختها "السيجه وحنجيلة أبيكا"

وبعد قطر العصر يمشي.

"نلعبوا رص البيوت

ويفوت علينا خيال غفير

صوته تخين

نخاف نموت في جلدنا

وينفتل حبل السكات

يرسم خريطة جسمنا

واحنا بنفتل في العيدان الخضرة "دفرة للعليق"

شبجرة التوت القديمة

كانت شقاوة فرحنا

وحزننا لما يضيع من اختنا.

"فردة حلق

نفضل ندور في التراب طول النهار

ونواسى فيها أكيد.. أكيد

تايه في حته من هنا.. أو.. من هنا ويلفُنا فرح اليتيم لما بنسمع هو.. ده ونشوفه تائي في ودنها هلال قمر يترسم على وشها بعد البكا الفرح عيد شجرة التوت القديمة لما بيحضنها الغروب كنا نسيبها وحدها واقفه تدارى عورة الناحية الفراغ نعود نسكن دربنا ضحك وزعيق نكملوا لعب النهار على ونسبة قمر نازز حليب الضي في عيونا الصغار آاه.. يا زمان كنت البريء ترانيم سكاتك لساها نابضه بألف أأاه إمتى اللي جواك ينتفض بالحرف.. لا

ويكون مداه واصل هناك عند اللي صوته أعلى من مليون غفير شجرة التوت القديمة حدوته كانت تنحكى فارس أصيل غرس النوايه فى أرض حبلت بطنها توأم بطوله فرع الخضار شارب عكار النيل الطرح كان ثورة أجير المعنى جواه الوطن ويشب جوانا الصبي ونحس في ايدينا الخشونة وفي المقابل جسمها حس الليونة والخجل نبتدى ترحال تغرب للبعيد نسعى لشهادة في العلام أو شهادة تكون على حدود البلاد وترمح الأيام سنين نعود قدّمنا يحضن على التراب لحظة لقا

عينينا كانت ع المدى متصلبه ..

مناك ..

آخر حدود جسر المدينة

وفى طرف قريتنا الحزينة

ماكنتش واقفه بالفروع

فارده إيديها يضمنا شوق الرجوع

فرت الدمعة/ مطر

هاجر الطير/ الشجر

الغيوم حجبت/ قمر

لما عرفنا الونش شد جذورها من الأرض المتينة

ماتت حزينة شجرة التوت القديمة,

اللي كان من ورقها

توب بدنا يستر العورة الهزيمة..!!

الميدان...دد

"في الميدان كل شيء له تمن حتى وقفك على الرصيف محسوب زمن وانت راح تبقى الغريب
لو يوم تفوت داخل ميدان من غير ما تعرف يعنى إيه معنى الوطن"!
في الميدان أسلاك كهربا خت الرصيف/
بقيد فوانيس المسا
فوانيس بترمى ضلها فوق الوشوش وهما واقفين في انتظار آخر ترام/
بيوت مشروخه الحيطان
بيوت حيطانها من رخام
بيبان تقفلها اليهمط
وبيبان تعرفها برقم
تقاطع واربع إشارات للمرور –

وعسكرى لابس هدومه غصب عنه يطلق الصوت النحاس

وإيديه في حركة بهلوان/

قهوة على طرف الرصيف/ بكراسي قاعد فوقها ناس مكن تقول من ميت سنه

> · كبريت ببيع راجل عجوز لينا سجاير فرط/ صبيان يبيعوا أنتيكات ..

> > وبنات تبيع اليانصيب لاجل الفتات/

ركن الميدان بنت وولد

واقفين يشوفه سعر فستان الزفاف

يتعجبوا !!

ويرمو قشرة ترمسه حبت القدم –

ويشد إيدها للطريق

لما الإشارة تنفتح لعبور مشاه

بلكونه بتنقط مطر/ ميزان بشر/

صندوق تليفون الميدان علشان معاكسه أولقا

مفضوحه يا عيون الميدان

واقفه بتشحت كل يوم والطفل ف ايديها قماش.

- تقول يتيم ميّت أبوه من ألف عام !!
عربيه فاخره فى الخالف واقفه تنتظر المدام صول يجول يبصم مخالفه لتاكسى مداش التمام
غريب بيساًل ع الطريق من صديق ضاع الأمان
راجل بيقرا فى الجريدة باهتمام/
أم تصرخ طفلها ضاع وسط دوامة زحام
ريال بيشترى لحم البشر
وكأنه بيساوم على فردين حمام
فوق الميدان ساعه تعلن عن وجودها بانتظام/
رغم التناقض والتنافر حتى بين اقرب جيران
بتخدنى رجليا الشمال لكن فى عنيا شوكه بتنغرس

"فسيسة كل شيء له تمين حستس وقسفك ع الرصيف محسوب زمن وانت راح تبقى الغيريب لو يوم تفوت داخل ميدان

من غير ما تعرف يعنى إيه معنى الوطن !!!

فهرست

الإهداء
ترتيلة بكا
توتر
مواجهه
خروج1
تمـرد ۲۵
ســـــــــــــــــــــــــــــــــــــ
إيمى
بحر حرب ۳۷
إغتراب المسادية المسا
التجرية ببرية بالمساهدة المساهدة المساه
هاجس جدلن ۲۳
شجرة التوت القديم 11
الميدان أأسان المسان ال

عن الشاعر

تاريخ الميلاد: ١٩٦٣/١ - قنا يعمل بالصحافة وبكتب الدراما الشعرية والمسرح والسيناريو.

صدر مؤخرا من هذه السلسلة

٥٩ - يمام الرؤى ١٠٠٠٠٠٠٠٠٠٠٠٠٠٠٠٠٠٠٠٠٠٠٠٠٠٠٠ محمد عبد الستار الدش
٠٦- العصافير لا تحلق بعيدا عزة أحمد أنور
١١- السنجاب عبد العليم
٦٢ فانتازيا الرجولةمحمود خير الله
٢٢- غناوى من كتاب العشقمشتاح
٢٤- طعم الوجع ابراهيم عطية
٥٧- الحياة الحب. الموت. الحياةناهد السيد
٣٦- لأرملتي يبوح الورد
٦٧ - رائحة الخوخمحمد عبد الواحد
٨٨ من أجل سحابةأمل جمال
٢٩- الحكروبمسام راسم فهمى
٧٠- مكابدة الاسطنهى ربيع عبد الرازق
٧١- أحيانا لا أكون ميتا
٧٢- حديقة الذكرياتب حسين أحمد إسماعيل

٧٣- امرأة تلد رجلاً يشبهك
٧٤- قيامة الأعضاءمصطفى فتحى
٥٧- عزاف النار العربي عبد الوهاب
٧٦- بنحب موت الحياةبين إبراهيم
٧٧- الأطفال يولدون نياما حمدى عبد الرازق
٧٨- يرجع العاديون مكبلين بالياسمين وسام جلال الدويك
٧٩- غادة الأساطير الحالمةمحمد العشرى
٨٠٠- أصباء التراتيل الصامتةمحمود قنديل
٨١ - بماذا تبوح الجداول للبحرماندا تبوح الجداول للبحر
٨٢ يحدث عبد الحفيظ طايل
٨٣- أزمنة الآخرين البحر
٨٤- حروف ونقط دم فتحي البريشي
· ٨٥- هفهفأت النخيلماهر مهران
٨٦- الميل شرقاًمحمد رفاعي
٨٧- بلا ثمن بسسسسسسسسسسسسسميد الحكيم محمود
۸۸ میت خیالطارق هاشم
٨٩ ولد عفريت تؤرقه البلادمحسن عبد العزيز

٩٠- مشاعر عبيطة الصمد البرعي عبد الصمد
۹۱- تفاصيل حماد
٩٢ - أحلام فقيرةصلاح مطر
٩٣ القطة العميا
٩٤- حامل الراية إيهاب دكروري
ه ۹- الفوارس الفارسي
٩٦- كراكيبسيدة فاروق
٩٧- شرنقاتطاهر سعيد
٩٨- الفتاة والفرسسيستار
٩٩- أيها القط العجوز الذي بجواري أحمد سامي خاطر
، ۱۰- باش آغا رمضان
١٠١- بدويات السيد أحمد حمزة

الأعمال القادمة

ورد الشستاء المسرف الخريبي
البحر كالعادةالبهاء حسين
لولا الناريا عمرمحمد ثابت
صيف المدن أحمد سليمان
دم العصفور شلتوت
التشكيلمصطفى راضى
أصوات خارج الدايرة البرعى
خرق الصفاتعبد الناصر حنفى صادق
ذات قصيدةالدامس الراضي
الشجو في رحابهاساب عماشة
بنت للريحد. أميمة شتيوي
النيل يا أعر الناس البدر
للنوارس موت أخرالسنان المراهيم منصور
إزاى بخاف جمال جراجي

موقف آخر الله شرف
حلم قزاز التمساح
حيث لا يراني أحدمىلاح عطية
مواثيق الضنى السنح
الذين سرقوا الحلمالعرين
دستورمأمون الحجاجي
قلبی نبوعتها خالد حمدان
الطم يخلع نعليه
تكويناتشريف شعبان
. من أبناء رابعة وشارات الغريب مسعود حامد
الأحمر القانيطوسون
حكايات صىغيرةماروق
عيونك سيد القوى حسن
هواء جاف يجرح الملامح
الوقوف على قدم واحدة السمر أيمن مصبطفى الأسمر
بريزة فضة سنسب سسسسس شسلام
قصائد الغرفة المغلقة

راندا طه	نفس طويل
فحسد أمين	عم عبد الله
مصطفى عبادة	لكن التراجيديا غلبتنى
حسين عبد الرحيم	المغيبا
	وسط الزحام
	أيقونة للحزن
حسن عبد الموجود	أجيال جديدة من المدن الرمادية
ابراهیم خطاب	الشيخة نبوية الماشطة

•

t

•

قسيمة اشتراك إصدارات الهيئة العامة لقصور الثقافة

الاســــم:م:
العنـــــوان:
رقم التليفـــون :
حوالة بريدية رقم: باسم الهيئة العامة لقصور الثقافة بمبلغ
التوقيع:

۱ اصوات ادبیه ۱ اجداء ۱ اجداء ۱ اجداء ۱ اجداء ۱ اجداء ۱ اخسان نقصایی از ۱ این	قيمة الاشتراك سنة كاملة	قيمة الاشتراك ٢ أشهر	موهد الأصدار	اسم السلسلة	ř
۱۱ المساق الفن البسكيلي سيهسرية ١١ ١١ ١١ ١١ ١١ ١١ ١١ ١١ ١١ ١١ ١١ ١١ ١١	. 14 45 45 46 47 48 44 48 44 48 44 48 44 48 44 48 44 48 44 48 44 48 44 48 44 48 44 48 48	* * * * * * * * * * * * * * * * * * *	- T	إبداع المسادة المسادة المسادة الكتسانة التسرج المسائد الكتسانية المسائد الكتسانية مطبوعات الهيئة مين مسجلة الثقافة الجديدة مسجلة الثقافة الجديدة مسجلة أفاق الفن التشكيلي الجسانة الفن التشكيلي الجسانة الفن التشكيلي الجسانة الفن التشكيلي الجسوائي المسادة	* * * * * * * * * * * * * * * * * * * *

مع علامة (﴿ ﴾ أمام السلاسل التي تريد الاشتراك فيها في المربع الخاص بمدة ستة أشهر أو سنة كاملة

ترسل على عنوان الهيئة العامة: ١٦ أش أمين سامى - قصر العينى - القاهرة

ت: ۱۱۸۶۲۵۳ - ۲۱۸۶۲۵۳ - فاکس: ۲۰۲۱۶۲۵۳


الرقم البريدي: ١١٥٦٢

الأمل للطباعة والنشر



ترتيلة بكا

سمير سعدي



شركة الأمل للطباعة والن

في دأب يعكف "سبمير سيعيد سيعيد على شيعله الشعرى. يُرسخ له في هدوء بعديد أعن الضبحيج والطنطنات. من ثم ينظرح الهمس كينفنية لغوية تستهدف الصعود إلى تاج المفردة العامية والإمساك بجوهرها. فيتنفجر طاقتها التعييرية. لتلتم داخل نشكيل جيديد يطرح إداركاته الخاصة بملمس الحياة من حوله. إنه رهان الصدق.